



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

ՎԵՐԼՈՒԾԱԿԱՆ ՏԵՂԵԿԱՆՔ

**«Հրազդանի էներգետիկ կազմակերպություն (ՀրազՁԷԿ)» ԲԲԸ-ի 2017 թվականի
գնումների պլանի մոնիթորինգի արդյունքների վերաբերյալ**

ԵՐԵՎԱՆ 2017

Բովանդակություն

Նախաբան.....	3
1. «Հրազդանի էներգետիկ կազմակերպություն (ՀրազԶԷԿ)» ԲԲԸ-ի 2017 թվականի գնումների պլանի կառուցվածքը.....	4
2. «Հրազդանի էներգետիկ կազմակերպություն (ՀրազԶԷԿ)» ԲԲԸ-ի 2017 թվականի գնումների պլանի մոնիթորինգի արդյունքները	5
Առաջարկություններ.....	5
Հղումներ	6

Նախաբան

Սույն վերլուծական տեղեկանքը մշակվել է ի կատարումն ՀՀ հանրային ծառայությունները կարգավորող հանձնաժողովի (այսուհետև՝ հանձնաժողով) 2017 թվականի աշխատանքային ծրագրի 11-րդ կետի և արտացոլում է հանձնաժողովի 2014 թվականի մարտի 26-ի N°61Ա որոշման (այսուհետև՝ Որոշում) N°1 հավելվածով հաստատված ցանկում ընդգրկված հանրային կազմակերպությունների կողմից կազմված և հրապարակված գնումների պլանի համապատասխանության գնահատումը հանձնաժողովի Որոշմամբ սահմանված լրացուցիչ պահանջներին:

Հանրային կազմակերպության գնումների պլանի մոնիթորինգը ներառում է հանրային կազմակերպությունների կարիքներին համապատասխան ձեռքբերվող ապրանքների, աշխատանքների և ծառայությունների քանակի և ժամանակացույցի գնահատումը:

Վերլուծական տեղեկանքը կազմվել է «Հրազդանի էներգետիկ կազմակերպություն (ՀրազԶԷԿ)» ԲԲԸ-ի (այսուհետև՝ նաև Ընկերություն) 2017 թվականի տարեկան հաստատված բյուջեի (միայն լիցենզավորված գործունեության մասով) հիման վրա կազմված և հանձնաժողով ներկայացրած, հետագայում հանձնաժողովի կողմից իրականացված գնումների պլանի մոնիթորինգի արդյունքում լրամշակված և ֆինանսների նախարարության գնումների էլեկտրոնային տեղեկագրում և Ընկերության պաշտոնական կայքում վերահրապարակված գնումների պլանի հիման վրա:

1. «Հրազդանի էներգետիկ կազմակերպություն (ՀրազՋԷԿ)» ԲԲԸ-ի 2017 թվականի գնումների պլանի կառուցվածքը

«ՀրազՋԷԿ» ԲԲԸ-ն՝ համաձայն հանձնաժողովի Որոշմամբ սահմանված լրացուցիչ պահանջների, իր պաշտոնական կայքում և գնումների էլեկտրոնային տեղեկագրում հրապարակել է 2017 թվականի համար կազմված և լրամշակված գնումների պլանը:

Համաձայն հրապարակված գնումների պլանի, 2017 թվականին Ընկերությունը նախատեսում է իրականացնել 836,2 մլն դրամ (առանց ԱԱՀ) ընդհանուր արժեքով 847 գործարք՝ հետևյալ մասնաբաժիններով (աղյուսակ 1):


Աղյուսակ 1

	Գնման առարկա	Գնումների պլանային արժեքը մլն դրամ (առանց ԱԱՀ)	Գնման ուղղության մասնաբաժինը ընդհանուր գնումներում (%)
1	2	3	4
1	Ծառայություն	159,4	19%
2	Ապրանք	676,9	81%
	Ընդամենը	836,2	100%


Գնումները նախատեսվում է իրականացնել երկու ընթացակարգով՝ բաց ընթացակարգ և բանակցային ընթացակարգ, առանց գնումների հայտարարությունը նախապես հրապարակելու: Ըստ գնման ընթացակարգերի պլանավորված գործարքների վերաբերյալ տվյալների մոնիթորինգի արդյունքներն ամփոփված են աղյուսակ 2-ում:

Աղյուսակ 2

№	Գնման ընթացակարգեր	Պլանավորված գնումների քանակը (հատ)	Գնումների սկզբնական պլանային արժեքը, մլն դրամ (առանց ԱԱՀ)	Գնման գործընթացի մեկնարկի ժամկետները (2017 թ.)
1	2	3	5	7
1	Բաց ընթացակարգ	73	747,7	I-IV եռամսյակ
2	Բանակցային ընթացակարգ, առանց գնումների հայտարարությունը նախապես հրապարակելու	741	88,5	I-IV եռամսյակ
	Ընդամենը	814	836,2	



Նկար 1. Գնման ընթացակարգի մասնաբաժինը ընդհանուր գնումների մեջ (քանակային)



Նկար 2. Գնման ընթացակարգի մասնաբաժինը ընդհանուր գնումների մեջ (գումարային)

2. «Հրազդանի էներգետիկ կազմակերպություն (ՀրազԶԷԿ)» ԲԲԸ-ի 2017 թվականի գնումների պլանի մոնիթորինգի արդյունքները

Ընկերության լրամշակված գնումների պլանի մոնիթորինգի արդյունքում կարելի է փաստել, որ գնման առարկաները ներկայացված են տրոհված, փաստացի՝ ամեն գնման առարկայի համար կիրառվում է գնման առանձին ընթացակարգ, այնինչ հանձնաժողովի Որոշմամբ սահմանված լրացուցիչ պահանջների 7-րդ կետի համաձայն՝ գնումների կատարման նախըտրելի ընթացակարգերը պետք է ապահովեն մրցակցությունը գնումների իրականացման ընթացքում, իսկ գնման նմանատիպ առարկաները խմբավորելու դեպքում կավելանան բաց ընթացակարգով իրականացվող գնումները:

Այս համատեքստում հավելենք, որ գնումների գործընթացների թերի կազմակերպման արդյունքում շուկայականից բարձր գներով ձեռք բերված ապրանքների, աշխատանքների և ծառայությունների արժեքները (շուկայական գները գերազանցող չափով) հաշվի չեն առնվի ընկերության սակագներում:

Առաջարկություններ

Հաշվի առնելով հանձնաժողովի Որոշմամբ սահմանված հանրային կազմակերպությունների գնումների կարգերի նկատմամբ լրացուցիչ պահանջների 7-րդ կետը՝ համաձայն որի, գնումների կատարման նախըտրելի ընթացակարգերը պետք է ապահովեն մրցակցությունը գնումների իրականացման ընթացքում, անհրաժեշտ է հնարավորինս խուսափել ձեռք բերվող գնման առարկաների անհարկի տրոհումից:

Հղումներ

1. Հանձնաժողովի 2016 թվականի դեկտեմբերի 14-ի «Հայաստանի հանրապետության հանրային ծառայությունները կարգավորող հանձնաժողովի 2017 թվականի աշխատանքային ծրագիրը հաստատելու մասին» №399Լ որոշում,
2. Հանձնաժողովի 2014 թվականի մարտի 26-ի «Գնումների կարգերի նկատմամբ լրացուցիչ պահանջների սահմանման ենթակա հանրային կազմակերպությունների ցանկը հաստատելու եվ այդ կազմակերպությունների գնումների կարգերի նկատմամբ լրացուցիչ պահանջներ սահմանելու մասին» №61Ա որոշում: